

Gwobr Lluniadu Kyffin Williams 2018

GWYBODAETH I YMGEISWYR

NOD

Nod Gwobr Lluniadu Kyffin Williams yw hyrwyddo a gwobrwyo sgiliau o safon uchel yng Nghymru.

Mae Gwobr Lluniadu Kyffin Williams yn cefnogi ac yn cydnabod gwaith pob arlunydd yn y maes lluniadu, gan gynnwys arlunwyr cydnabyddedig a hefyd gwaith arlunwyr sy'n datblygu ac sy'n ymarfer eu sgiliau arlunio.

BEIRNIAID

Mae'r gystadleuaeth yn cael ei barnu gan banel o feirniaid fydd yn cynnwys arlunwyr, curaduron ac aelodau'r Ymddiriedolaeth.

Beirniaid:

- David Meredith: Cadeirydd – Ymddiriedolaeth Syr Kyffin Williams
- Paul Joyner, Llyfrgell Genedlaethol Cymru – Ymddiriedolwr, Ymddiriedolaeth Syr Kyffin Williams
- Tri Beirniad arall yw cyhoeddi

Y ganolfan weinyddol ar gyfer y wobr fydd Oriel Môn, sef partneriaeth weithio rhwng Ymddiriedolaeth Syr Kyffin Williams ac Oriel Môn.

Cydllynydd y wobr yw: Nicola Gibson, Rheolwr Profiad Ymwelwyr, Oriel Môn.

CYFFREDINOL

Bydd yr holl waith ar gyfer yr arddangosfa yn waith a fydd, ym marn y panel dewis, yn gymwys fel lluniadau. I bwrpas y gystadleuaeth hon fe ddisgrifir lluniad fel: gwaith celf gwreiddiol, mewn dau ddimensiwn, fel arfer ar bapur, wedi ei wneud o farciau graffig fydd yn cynnwys y defnydd o linell o fewn y darlun.

Bydd pob gwaith yn cael ei dderbyn i'w gyflwyno ar y ddealltwriaeth hon, a bydd penderfyniad y Panel yn derfynol. Ni cheir gohebu. Ni chaiff y beirniaid, aelodau o'u teuluoedd, Ymddiriedolwyr Ymddiriedolaeth Syr Kyffin Williams na staff Oriel Môn ymgeisio.

Rhaid i'r holl waith fydd yn cael ei gyflwyno fod ar gael trwy gydol yr arddangosfa.

Mae pob gwaith a wnaed ers Ionawr 2017 yn gymwys i'w roi i mewn.

Rhaid i bob arlunydd gytuno i'w waith gael ei gynnwys yn yr E-Arddangosfa.

MANYLION

Rhaid i bob darlun fod wedi ei ddilysu gan yr arlunydd (e.e. ei arwyddo a'i ddyddio) mewn lle priodol.

Rhaid i bob darlun fod wedi'i fframio (er mwyn diogelu a chyflwyno'r darlun yn briodol).

Rhaid i'r fframiau fod yn rhai cryf ar gyfer eu handlo; ni fydd fframiau metal a fframiau clip yn cael eu derbyn.

Y trefnwyr fydd yn gyfrifol am hongian yr holl fframiau a rhaid cael platiau drych arnynt; wedi'u gosod yn y canol bob ochor i'r ffrâm a'u troi i mewn yn ystod eu cludo.

Rhaid cyflwyno darluniau cyfansawdd o fewn un ffrâm.

Yr arlunwyr sy'n gyfrifol am sicrhau bod eu gwaith yn cyfarfod â'r meini prawf hyn.

GOFAL AM Y GWAITH

Byddwn yn cymryd gofal mawr o'r holl waith fydd wedi ei gyflwyno i'w ddewis, ond ni fydd trefnwyr Gwobr Lluniadu Kyffin Williams yn gyfrifol am unrhyw ddifrod i waith fydd yn digwydd yn ystod ei handlo, boed y difrod wedi ei achosi gan y trefnwyr, eu tîm staff neu fel arall.

Argymhellir defnyddio fframiau pacio i ddiogelu gwaith hynod o fregus yn ystod ei gludo.

Argymhellir yn gryf bod yr ymgeiswyr yn trefnu eu hyswariant eu hunain i'r gwaith, gan mai dim ond gwaith a ddewisir gan y Panel fydd yn cael ei yswirio trwy gydol yr arddangosfa.

RHYBUDD O BENDERFYNIAD Y PANEL DEWIS

Bydd yr holl artistiaid yn cael gwybod trwy lythyr am benderfyniad y Panel dewis erbyn Mawrth 31, 2018. Os na fydd rhybudd ysgrifenedig wedi ei dderbyn erbyn y dyddiad hwn, cysylltwch â Chydlynnydd yr Arddangosfa os gwelwch yn dda.

CYFLWYNO GWAITH

Gall artistiaid gyflwyno gwaith yn y canolfannau a ganlyn:

Oriel Môn, Llangefni

Rhwng 10.30yb – 3.00yh: Mai 16, 2018

Llyfrgell Genedlaethol Cymru, Aberystwyth

Rhwng 10.00yb – 12.00yh & 2.00yh – 3.00yh: 17 Mai, 2018

(Nodwch os gwelwch yn dda, dylai artistiaid ddod â'u gwaith i ddrws cefn y Llyfrgell)

Amgueddfa Genedlaethol Cymru, Caerdydd

Rhwng 10.00yb – 12.00yh & 2.00yh – 3.00yh: 17 Mai, 2018

DYCHWELYD Y GWAITH

Ar ddiwedd yr arddangosfa bydd y darluniau yn cael eu dychwelyd yn ôl i'r pwynt casglu lle cawsant eu gadael yn y lle cyntaf yn ystod mis Chwefror 2019. Dyddiad ac amser casglu i'w cadarnhau. Os bydd y tywydd yn troi yn arw yn ystod amser dychwelyd y gwaith, bydd artistiaid yn cael eu cynghori o drefniadau gwahanol.

Bydd yr arlunwyr sydd yn methu casglu eu gwaith ar y dyddiad penodedig yn cael eu dal yn gyfrifol am ffioedd storio oherwydd casglu'n hwyr. Nodwch, os gwelwch yn dda, nad yw'n bosib eu storio ar ôl y dyddiad casglu. Bydd gwaith heb ei gasglu erbyn y dyddiad penodedig yn cael ei roddi i gwmni storio annibynnol a bydd raid i'r artist dalu ffi wrth ei gasglu.

GWERTHU'R GWAITH

Codir comisiwn o 35% ar bob gwerthiant + TAW ar y comisiwn. Fe ddylid cynnwys y comisiwn 35% + TAW ym mhob pris gwerthu a nodir gan yr artist. Bydd gwaith a werthir ar gael i'w nôl o Oriel Môn gan y prynwyr ar ôl yr arddangosfa. Os bydd angen y gwaith ar gyfer arddangosfeydd pellach, byddwn yn gofyn am ganiatâd y perchenogion newydd.

Bydd angen rhoi yswiriant ar bob un o'r darluniau cyn eu nôl.

Unwaith y bydd gwaith wedi ei dderbyn, bydd wedi'i yswirio trwy gydol yr arddangosfa.

HAWLFRAINT

Byddwn yn gofyn i'r holl artistiaid a gafodd eu gwahodd am ganiatâd i Ymddiriedolaeth Syr Kyffin Williams ddefnyddio eu darluniau neu ddelweddau o'u darluniau yng nghyswllt y gystadleuaeth, yr arddangosfa neu unrhyw bwrpas cyfreithlon arall.

CYN-WELEDIAD A GWOBROWYON

Bydd pob artist fydd wedi ei ddewis ar gyfer Gwobr Lluniadu Syr Kyffin Williams yn cael ei wahodd i'r cyn-welediad preifat ar 13 Gorffennaf, 2018 pan fyddwn yn cyhoeddi'r gwobrowyon.

Rhoddir gwobrau ariannol i'r arlunwyr a ddewisir yn orau gan y beirniaid.

DULL YMGEISIO

Gall pob ymgeisydd gyflwyno hyd at 3 llun. Bydd angen ffi handlo na ellir ei dychwelyd ar gyfer pob llun fydd yn cael ei gynnig i'r gystadleuaeth fel a ganlyn: £15 am y gwaith cyntaf; £20 am ddau a £25 am dri. Gwnewch y siec yn daladwy i Cyngor Sir Ynys Môn os gwelwch yn dda.

Postiwch eich ceisiadau a'ch sieciau i: Oriol Môn, Rhosmeirch, Llangefni, Ynys Môn, LL77 7TQ neu e-postiwch: NicolaGibson@ynysmon.gov.uk

ARDDANGOSFA

Bydd hyd at 100 llun yn yr arddangosfa, yn ôl penderfyniad y beirniaid.

E-ARDDANGOSFA

Bydd hon yn cynnwys yr holl waith a roddwyd i mewn ac a wahoddwyd i gyflwyno gwaith i'r arddangosfa a bydd yn dangos manylion a datganiadau'r holl artistiaid.

FFURFLENNI CAIS

Rhaid eu cyflwyno erbyn Chwefror 1, 2018

Rhaid llenwi'r ffurflenni ac amgáu'r ffi briodol am y nifer o luniau a gyflwynir. Ar gyfer pob gwaith fydd yn cael ei gyflwyno, rhaid i'r arlunydd gyflwyno delwedd o ansawdd dda (gall hyn fod ar CD, Jpeg, ffotograff neu sleid: os yw'r gwreiddiol mewn lliw rhaid i'r ddelwedd hefyd fod mewn lliw).

Mawrth / Ebrill 2018: Bydd yr arlunwyr a ddewiswyd yn cael eu gwahodd i anfon eu manylion i Oriol Môn ac fe ddywedir wrthynt sut i gyflwyno eu gwaith ac yn lle. Bydd pob arlunydd yn derbyn pecyn ymgeisio fydd yn cynnwys: ffurflen caniatâd hawlfraint, ffurflen gwerth yswiriant, CV a ffurflenni gwybodaeth datganiad arlunydd, labeli ar gyfer y lluniau a manylion ynglŷn â lle a phryd i gyflwyno'r gwaith(iau).

Mai 2018: bydd y canolfannau'n derbyn lluniau rhwng 10.00yb – 3.00hy, (gweler tudalen 3 am fanylion). Onid yw darlun yn cael ei gyflwyno mewn man casglu priodol ni fydd yn cael ei gynnwys yn y gystadleuaeth. Bydd yr holl ddarluniau wedyn yn cael eu cludo i Oriel Môn.

Mehefin /Gorffennaf 2018: Beirniadu a hongian y lluniau. Cyhoeddir enwau'r enillwyr yn yr agoriad. Lansio e-arddangosfa o'r holl ddarluniau a ddewiswyd. Cyn-weliad Preifat yn Oriel Môn, Gorffennaf 13, 2018.

Nodwch os gwelwch yn dda: Bydd y beirniaid yn gwneud y penderfyniad terfynol ynghylch yr hyn a fydd yn cael ei gynnwys yn yr arddangosfa unwaith y maent wedi gweld y gweithiau gwreiddiol yn Oriel Môn. Bydd cydlynnydd y wobwr yn rhoi gwybod i'r artistiaid a yw eu gwaith / gweithiau wedi ei dynnu / eu tynnu o'r arddangosfa. Bydd gweithiau na fyddant yn cael eu harddangos yn cael eu cadw'n ddiogel yn Oriel Môn tan ddiwedd yr arddangosfa. Fodd bynnag, gall artistiaid nad yw ei gwaith wedi ei ddewis gwneud trefniadau arbennig gyda chydlynnydd y wobwr os ydynt yn dymuno casglu eu gwaith yn bersonol o Oriel Môn cyn diwedd yr arddangosfa.

Ionawr, 2019: diwedd yr arddangosfa.

CWESTIYNAU A OFYNNIR YN AML

Beth yw'r darlun mwyaf y gallaf ei gyflwyno?

Y maint mwyaf ar gyfer eich gwaith yw 1.5m x 1m, yn cynnwys y ffram.

Pa fframiau sy'n addas?

Bydd unrhyw ffrâm bren cryf o wneuthuriad da yn dderbyniol. Mae'r mathau hyn o fframiau yn sicrhau bod wyneb eich gwaith yn cael ei ddiogelu, ac meant yn ddigon cryf i'w cludo o le i le.

Oes rhaid i fy ngwaith fod wedi ei arwyddo a'i ddyddio?

Oes. Os ydych eisoes wedi fframio eich gwaith ac nad ydych eisiau ei dynnu o'r ffrâm, neu ddim yn dymuno arwyddo a dyddio blaen eich gwaith rhag ofn tarfu ar y ddelwedd, arwyddwch a dyddiwch gefn y ffrâm os gwelwch yn dda.

Alla i roi lluniad cyfansawdd mewn fframiau ar wahân?

Na. Rydym yn gofyn am i waith cyfansawdd gael ei gyflwyno mewn un ffrâm er mwyn sicrhau ein bod yn cyflwyno'r gwaith yn ei gyfanrwydd i'r Panel Dewis.

Pa gyfrwng alla i ei ddefnyddio?

Nid does cyfyngiad ar y cyfrwng: bydd yn rhaid i'r gwaith celf, fodd bynnag, fod yn ddau ddimensiwn.

Myfyriwr ydw i - ydw i'n gymwys i gystadlu am y brif wobwr neu ddim ond am y wobwr i fyfyrwyr?

Fel myfyriwr rydych yn gymwys i gystadlu am y brif wobwr a'r wobwr i fyfyrwyr.

Rwyf ym mlwyddyn olaf fy astudiaethau - gaf i ymgeisio fel myfyriwr?

Cewch.

Byddaf ar fy ngwyliau ar y dyddiadau cyflwyno / dychwelyd. Fydd hi'n bosib i mi gyflwyno / casglu fy ngwaith?

Bydd. Ond ar ddyddiau penodol yn unig y bydd y canolfannau yn derbyn / dychwelyd ac o'r herwydd bydd angen i chwi drefnu i gynrychiolydd ddanfon / casglu eich gwaith i chwi pan fydd y canolfannau ar agor. Gall fod yn aelod o'r teulu, cyfaill neu gludydd.

Cafodd y gwaith rwyf am ei gyflwyno ei wneud fis Rhagfyr 2016. A yw'n dal yn gymwys i'w roi i mewn?

Na. Dim ond gwaith a wnaed ers Ionawr 2017 sy'n gymwys i gystadleuaeth Gwobr Lluniadu Kyffin Williams.

I ble dylwn i ddychwelyd fy ffurflen gais ar ôl ei llenwi?

Anfonwch eich ffurflen gais wedi'i llenwi a'r taliadau ffi handlo i : Nicola Gibson, Oriol Môn, Rhosmeirch, Llangefni, Ynys Môn, LL77 7TQ.

Beth fydd yn digwydd wedyn?

Byddwch yn derbyn llythyr erbyn Mawrth 31, 2018 yn dweud os ydych yn cael eich gwahodd ai peidio i arddangos yn Oriol Môn. Os na fyddwch wedi derbyn llythyr erbyn y dyddiad hwn, cysylltwch â chydlynnydd yr arddangosfa, os gwelwch yn dda.

Oes rhaid i mi wneud rhywbeth os caiff fy ngwaith ei ddewis?

Os bydd eich gwaith yn cael ei dderbyn byddwch yn derbyn pecyn ymgeisio yn dweud beth fydd angen ei gynnwys gyda'ch darlun. Gallwch anfon unrhyw wybodaeth ychwanegol trwy e-bost, copi caled neu trwy lenwi'r ffurflenni, ac os byddwch yn ysgrifennu â llaw, sicrhewch eich bod yn defnyddio prif lythrennau, os gwelwch yn dda, er mwyn osgoi problemau golygyddol. Gofynnir i chwi ddarparu bywgraffiad byr (uchafswm o 150 gair). Byddwn angen yr wybodaeth hon erbyn Ebrill 2018 er mwyn gallu paratoi copi i'w gynnwys yn yr e-arddangosfa.

Efallai y byddwn yn cysylltu gyda'r enillwyr i gael gwybodaeth bellach cyn cyhoeddi'r canlyniadau'n gyhoeddus.